

Pendekatan Jemaah Tabligh Dalam Penyebaran Dakwah Kepada Masyarakat Islam di Malaysia

Preaching Approach of the Tabligh Congregation for Muslim Community in Malaysia

**Mustapahayuddin Abdul Khalim^{1*}, Nur Zainatul Nadra Zainol², Muhammad
Hafizuddin Ahiar¹**

¹Jabatan Pengajian Islam, Pusat Pengajian Umum dan Kokurikulum,
Universiti Tun Hussien Onn Malaysia, 86400 Parit Raja, Batu Pahat, Johor, MALAYSIA

²Institut Ahli Sunnah Wal Jamaah,
Universiti Tun Hussien Onn Malaysia, 86400 Parit Raja, Batu Pahat, Johor, MALAYSIA

*Corresponding Author

DOI: <https://doi.org/10.30880/jstard.2023.05.01.007>

Received 14 June 2023; Accepted 8 July 2023; Available online 27 July 2023

Abstrak: Manusia dipertanggungjawabkan di atas muka bumi ini untuk menjadi seorang dai yang berperanan untuk berdakwah. Selain itu, peranan ini termasuklah meleraikan umat manusia dari sudut kemusyrikan kepada keimanan terhadap Allah SWT, merubah daripada mungkar kepada makruf, berusaha merubah situasi negatif kepada positif, mencegah dari perbuatan keji dan mungkar kepada menegakkan kebenaran serta mencari kebahagiaan di dunia dan akhirat. Namun dalam menyempurnakan agama dengan cara menyebarluaskan dakwah bukanlah satu tugas yang mudah namun tidak susah. Perkara ini selari dengan kehendak Allah SWT yang telah menetapkan hidup manusia ini hanyalah untuk mengabdikan diri kepada-Nya. Justeru, kajian ini berusaha mengetengahkan hal berkaitan pendekatan dakwah Jemaah Tabligh dalam membentuk motivasi dalam kalangan masyarakat. Kajian perpustakaan dengan mengaplikasikan metode analisis data dan kandungan digunakan bagi mencapai objektif kajian ini. Hasil kajian mendapati bahawa terdapat beberapa metode dan prinsip yang digunakan oleh Jemaah Tabligh dalam urusan berdakwah kepada golongan masyarakat. Implikasi kajian ini memberi serba sedikit input kepada masyarakat untuk menyedari bahawa pendekatan Jemaah Tabligh merupakan salah satu mekanisme terbaik dalam penyebaran dakwah Islam.

Kata Kunci: Dakwah Islamiyah, jemaah tabligh, amar makruf, nahi munkar, Malaysia

Abstract: Man is responsible on this earth to be a *dai* who has the role in Islamic preaching. In addition, this role includes disbanding mankind from polytheism to faith in Allah SWT, changing from evil to good, trying to change negative situations to positive, preventing from heinous and evil acts to upholding the truth and finding happiness in this world and the hereafter. However, spreading Islamic preaching is not an easy task but it is not difficult. This matter is in line with the will of Allah SWT who has determined that human life is only to devote oneself to Him. Therefore, this article tries to highlight matters related to the preaching approach of the Tabligh Congregation in forming Islamic preaching among muslim community in Malaysia. This article applies library research and content analysis methods to collect data. Meanwhile, thematic analysis is used for data analysis. The results of the study found that there are several methods and principles used by the Tabligh Congregation in preaching to the community. The implications of this study provide a little input to the community to realize that the Tabligh Congregation approach is one of the best mechanisms in the spread of Islamic preaching for muslim community in Malaysia

Keywords: Islamic preacing, Tabligh congregation, amar makruf, nahi munkar, muslim community in Malaysia

1. Pendahuluan

Dakwah adalah satu aktiviti mengajak manusia untuk mentauhidkan Allah SWT dan menjauhi segala larangan-Nya. Perkara ini adalah fitrah semulajadi manusia di mana tugas utama manusia diturunkan di atas muka bumi ini adalah untuk menjadi khalifah yang dapat membimbing umat manusia ke arah kebaikan. Keberkesanan dakwah bergantung kepada metode yang digunakan oleh sesuatu gerakan terutamanya jemaah Tabligh. Oleh yang demikian, Nabi Muhammad SAW merupakan contoh atau ikon terbaik yang patut dicontohi dalam gerak kerja menyampaikan dakwah. Sebagaimana firman-Nya:

أَقْدَمَ كَثُمٌ فِي رَسُولِ اللَّهِ أَسْوَدَةَ حَسَنَةً لِمَنْ كَانَ يَرْجُوا اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا

Maksudnya: (Sesungguhnya telah ada pada diri Rasulullah itu suri teladan bagi kalian) dapat dibaca iswatun dan uswatun (yang baik) untuk diikuti dalam hal berperang dan keteguhan serta kesabarannya, yang masing-masing diterapkan pada tempat-tempatnya (bagi orang) lafal ayat ini berkedudukan menjadi badal dari lafal lakum (yang mengharap rahmat Allah) yakni takut kepada-Nya (dan hari kiamat dan dia banyak menyebut Allah) berbeda halnya dengan orang-orang yang selain mereka.

(Surah al-Ahzab ayat: 21)

Mengikut kamus dewan edisi keempat, perkatan *Tabligh* membawa erti sesuatu perbuatan menyampaikan perintah Allah kepada yang tidak mengetahui atau memberi pengajaran kepada yang mengetahui. Selain itu, tabligh merupakan sifat wajib ketiga bagi Rasulullah SAW, mentablichkan dan menyiarkan ajaran agama Islam. Manakala Jemaah Tabligh pula bermaksud sesebuah kelompok penyampai atau gerakan mubaligh Islam yang bertujuan mengajak manusia kembali ke ajaran Islam yang menyeluruh. Aktiviti mereka ini tidak terbatas pada Islam sahaja, namun kelompok ini mengajak semua umat manusia samada beragama Islam ataupun bukan Islam tetapi lebih mementingkan umat Islam itu sendiri. Tujuan utama gerakan ini adalah untuk menyebarkan kalimah *La Illa Ha IllAllah* (tiada tuhan melainkan Allah), *Muhammadur Rasulullah* (Muhammad itu pesuruh Allah).

Gerakan ini juga sama sekali tidak ada sebarang kaitan dengan politik dunia mahupun negara, golongan ini mengenepikan segala hal politik dunia dalam urusan menyampaikan dakwah Islam mereka. Tabligh juga merupakan salah satu gerakan yang tidak memandang asal usul mazhab atau aliran pengikutnya, ia hanya memerlukan kelapangan masa dan kesediaan seseorang dari segi harta daripada si *mad'unya* untuk menyertai kerja dakwah mereka. Golongan ini juga disebut sebagai ‘penyambung lidah’ baginda Nabi Muhammad SAW.

Jemaah Tabligh juga merupakan antara satu gerakan yang bergerak secara rela hati tanpa meminta mana-mana sumbangan berbentuk wang samada daripada agensi kerajaan, perbadanan awam mahupun daripada mana-mana kutipan derma dan zakat. Mereka ini hanya mengharapkan ganjaran daripada Allah SWT daripada hasil usaha mereka lakukan dalam menyampaikan agama Islam dan mengharapkan akan usaha kecil mereka ini diterima oleh Allah SWT. Tabligh merupakan salah satu gerakan orang Islam yang melakukan gerak kerja dakwah di dalam Malaysia serta di luar negara. Gerakan Tabligh boleh disamakan dengan gerakan Islam antarabangsa yang lain seperti Ikhwanul Muslimin, Jemaah Islam dan sebagainya (Sukron Ma'mun 2019).

2. Kajian Literatur

Jemaah Tabligh merupakan organisasi dakwah yang mempunyai cara yang berbeza dalam menyampaikan dakwah jika ingin dibandingkan dengan organisasi dakwah yang lain. Jika dilihat pada keadaan semasa, gerak kerja dakwah

dilaksanakan melalui medium yang pelbagai. Penggunaan medium seperti televisyen, radio, media sosial dan media cetak kebiasaannya digunakan dalam kadar maksimum oleh organisasi dakwah yang lain namun tidak bagi Jemaah ini. Jemaah Tabligh masih mengekalkan metode klasik yang diamalkan sejak zaman para nabi terdahulu iaitu dengan cara keluar dari kampung tempat tinggal mereka, kemudian pergi dari satu tempat ke satu tempat yang lain lalu memperingati *mad'unya* tentang pentingnya meningkatkan keimanan kepada tuhan dan mengajak untuk meningkatkan amal kebajikan.

Antara amalan kebiasaan Jemaah Tabligh ialah dari segi penghayatan terhadap sirah atau kehidupan Nabi Muhammad SAW dan para sahabat baginda (Abdul Rahman 1997). Penghayatan terhadap sirah Nabi Muhammad SAW bukan sahaja diamalkan bahkan disampaikan kepada orang lain. Kesannya, masyarakat Islam mendapat pendedahan yang jelas berkenaan sirah nabi untuk diambil pengajaran. Banyak kisah-kisah *anbiya'* dan para sahabat yang disampaikan oleh Jemaah Tabligh untuk diambil pengajaran dan teladan baik supaya dapat diamalkan oleh masyarakat. Menurut Fakhruddin (2016), kisah kehidupan, keperibadian dan langkah perjuangan Nabi Muhammad SAW perlu dititip dan dibicarakan dalam majlis kuliah dan tazkirah sebagai bahan dakwah. Oleh itu, dengan menyampaikan sirah Nabi dan sahabat kepada masyarakat dapat meningkatkan cinta terhadap Islam dan gerak kerja dakwah.

Menurut Hamdi, S. (2021) Jemaah Tabligh kebiasaannya memiliki tradisi yang unik samada dari segi penampilan dan pengamalan. Antaranya ialah, memelihara janggut, memakai seluar longgar dan singkat serta baju panjang sehingga ke lutut. Selain daripada itu, pengikut Jemaah Tabligh menggunakan wangian khas atau lebih dikenali dengan minyak *attar* dan kebiasaannya mengamalkan penggunaan kayu sugi bagi menggantikan berus gigi. Perkara yang diamalkan oleh Jemaah Tabligh kebanyakannya diambil berdasarkan sunnah Nabi Muhammad SAW (Purwanto 2017). Oleh itu, bagi Jemaah Tabligh sunnah Rasulullah SAW perlu diamalkan semaksima mungkin dalam kehidupan seharian seorang Muslim. Jemaah Tabligh menekankan supaya pengikutnya meluangkan masa untuk menyampaikan dan menyebarkan dakwah bila-bila masa sahaja. Dakwah boleh dilakukan dengan menunjukkan akhlak yang baik dan penampilan yang sederhana (Umdatul Hasanah 2014; Wong, D., & Aziz, A. 2014). Perkara ini membezakan Jemaah Tabligh dengan gerakan dakwah yang lain.

Jemaah Tabligh banyak menggariskan beberapa prinsip utama iaitu dari aspek iman, solat, ilmu dan zikir (Badilhisham & Othman Talib 2008). Gerakan tabligh banyak mengamalkan tasawuf dalam kehidupan sehari-hari. Antara amalan kerohanian yang diamalkan oleh Jemaah Tabligh ialah zikir. Di antara zikir-zikir yang diamalkan ialah kalimah tayyibah, tasbih Fatimah, selawat dan istighfar. Selain itu, Jemaah Tabligh juga banyak mengamalkan tasawuf melalui amali iaitu dengan merujuk kepada amalan para wali. Justeru itu, Jemaah Tabligh banyak mengambil buku-buku seperti Hikayah al-Šahabah dan Hayat al-Šahabah sebagai rujukan dalam pengamalan tasawuf. Selain itu hadis-hadis yang terdapat dalam kitab Fadhlil Amal menjadi panduan Jemaah Tabligh di Malaysia untuk mempraktikkan amalan tasawuf atau tazkiyyatun nafs, contohnya seperti melazimi zikir kalimah toyyibah dan makan setalam (Sharep, K. 2018). Antara sifat dan amalan yang diamalkan oleh Jemaah Tabligh ialah seperti tabah, sabar, taqwa, zuhud, wara', taat dan lain-lain.

3. Metodologi Kajian

Kajian ini berbentuk kualitatif yang melibatkan kajian kepustakaan. Metode pengumpulan data yang digunakan ialah melalui analisis kandungan buku dan artikel jurnal (Creswell, W John. (2014)). Manakala kaedah penganalisisan data menggunakan kaedah deskriptif yang bersesuaian dengan objektif kajian untuk menjelaskan pendekatan dakwah Jemaah Tabligh dalam membentuk motivasi dalam kalangan masyarakat Islam di Malaysia

4. Analisis dan Kandungan

4.1 Metode Dakwah Jemaah Tabligh

Jemaah Tabligh berpegang kepada enam sifat para sahabat yang terunggul. Setiap daripada mereka kebiasaannya sudah maklum tentang sifat ini dan mereka akan muzakarah berkaitan enam sifat ini setiap kali *khuruj* ke jalan Allah SWT. Jemaah ini juga akan menyebarkan enam sifat ini kepada ahli baru agar ilmu ini dapat menjadi sebahagian pengetahuan dan amalan masyarakat umum juga. Selain itu, sifat-sifat para sahabat ini mempunyai maksud yang tersendiri, kelebihan dan cara untuk mendapatkannya. Di sini saya ringkaskan maksud enam sifat tersebut iaitu:

- | | |
|----------|--|
| Pertama: | Meyakini terhadap hakikat kalimah <i>tayyibah</i> . Yakni “ <i>La Ilha Ha Illallah, muhammadur rasulullah</i> ”. Tiada tuhan selain Allah dan nabi Muhammad SAW itu pesuruh Allah SWT. Seseorang hendaklah mengeluarkan kebesaran makhluk dalam hatinya, dan memasukkan kebesaran Allah SWT ke dalam hatinya. Seseorang individu itu juga perlulah mempercayai bahwasanya barangsiapa yang ingin berjaya di dunia ini, hanya dengan cara mentaati perintah Allah SWT, dan mengikuti sunnah Nabi Muhammad SAW |
|----------|--|

- Kedua: Meyakini terhadap hakikat solat khusyuk dan *khudu'*. Dimana seseorang itu hendaklah membawa ketaatan dalam solat ke luar solat. Di mana dalam solat kita merendahkan pandangan, di luar solat kita merendahkan pandangan. Dalam solat kita zikir, di luar solat kita zikir juga. Solat yang berkualiti ialah solat yang dapat mencegah seseorang itu daripada di kemungkaran.
- Ketiga: Meyakini terhadap hakikat ilmu dan zikir. Ilmu bermaksud pengetahuan. Dengan ilmu seseorang dapat membezakan mana satu perintah dan larangan Allah SWT. Zikir pula bererti mengingati Allah SWT. Seseorang itu hendaklah mengingati Allah SWT di setiap waktu dan keadaan.
- Keempat: Meyakini terhadap hakikat ikram Muslimin. Bagaimana seseorang itu perlu menunaikan hak saudara seIslamnya tanpa menuntut sebarang hak (mengharap balasan). Barangsiapa yang menunaikan hak saudaranya, Allah SWT akan menganugerahkan kepadanya 73 kebaikan. 1 kebaikan Allah SWT kurniakan di dunia yang mana sudah memadai dan 72 kebaikan lagi Allah SWT akan anugerahkan di akhirat kelak.
- Kelima: Meyakini terhadap hakikat ikhlas niat iaitu melaksanakan segala perintah Allah SWT dan tinggalkan segala larangan Allah SWT semata-mata kerana-Nya. Seseorang itu hendaklah sentiasa memeriksa niatnya sebelum, semasa dan selepas beramal. Seseorang itu hendaklah sentiasa menjaga niatnya ketika beramal dan apabila kurang ikhlas, bersegeralah istighfar dan perbetulkan niatnya semata-mata kerana Allah SWT.
- Keenam: Meyakini terhadap hakikat dakwah dan tabligh. Dakwah (mengajak) dan tabligh (menyampaikan) yakni memperbetulkan salah faham seseorang bahawasanya diri dan harta bukan miliknya, tetapi Allah SWT telah beli diri dan harta hambanya dengan syurga. Maka seseorang hendaklah menginfakkan diri dan hartanya ke jalan Allah SWT.

Keenam-enam sifat inilah yang menjadi metode Jemaah Tabligh dalam menyampaikan dakwah kepada *mad'unya*. Terkadang masyarakat mempertikaikan mengapa hanya 6 sifat sahaja padahal mereka juga manusia yang mempunyai banyak perangai dan tabiat. Tetapi apa yang masyarakat perlu faham ialah 6 sifat ini adalah sifat yang tersemat dalam diri setiap sahabat nabi, oleh sebab itulah dinamakan 6 sifat sahabat yang terunggul. Namun terdapat metode lain yang sering digunakan oleh jemaah ini antaranya metode *uswah* (teladan), metode ceramah, metode muzakarah, metode *door to door* (pintu ke pintu), metode tasykil, metode nasihat dan sebagainya. Ringkasnya, banyak metode yang digunakan Jemaah Tabligh bagi menyeru masyarakat *amar makruf nahi mungkar*. Pokok pangkalnya ia berbalik pada keikhlasan niat seseorang da'i tersebut dalam menyebarkan dakwah diiringi dengan doa hidayah buat *mad'u*.

Selain itu, Jemaah Tabligh juga menggunakan kitab *Fadhail al-A'mal* yang dikarang oleh Maulana Muhammad Zakaria (Sharep, K. 2018). Kitab ini merupakan panduan wajib bagi semua Jemaah Tabligh kerana di dalam kitab tersebut dibahagikan kepada beberapa bab yang khusus berkaitan kisah-kisah para sahabat fadilat solat, fadilat zikir, fadilat al-Qur'an, fadilat Tabligh dan fadilat Ramadan. Kitab ini dibaca oleh semua Jemaah Tabligh seluruh dunia kecuali di negara Arab kerana di sana mereka menggunakan kitab *Riyadhusolihin* yang ditulis oleh Imam al-Nawawi. Bagi Jemaah Tabligh, kitab ini mempunyai kedudukan yang amat tinggi kerana dengan pembacaan kitab ini dapat membakar semangat dan keghairahan mereka dalam meneruskan kerja dakwah dan meningkatkan amal soleh Hamdi, S. (2021).

4.2 Prinsip Dakwah Islam Jemaah Tabligh

Menurut Hamdi, S. (2021) dan Abu Abdurrahman (2013), ada beberapa prinsip dasar yang perlu difahami tentang dakwah Islam. Dengan cara memahami prinsip-prinsip ini, usaha dalam menyampaikan sesuatu dakwah dapat berjalan dengan lancar. Antara prinsip-prinsip tersebut ialah:

4.2.1 Menyebarkan Kebaikan

Berdakwah tidak lain tidak bukan adalah bertujuan untuk mengajak manusia ke jalan kebaikan. Oleh itu, pentingnya dakwah ini dilakukan adalah demi menjamin kemaslahatan hidup bersama. Apabila dakwah disampaikan dalam sesebuah tempat atau negara, maka rahmat Allah SWT akan memayungi kawasan tersebut. Bayangkan apabila kerja dakwah tidak dilakukan, makan maksiat bertebaran atas muka bumi ini. Maka apabila maksiat sudah menguasai sesuatu tempat, kemurkaan Allah SWT akan melaknat tempat tersebut yang akhirnya membawa kepada azab tuhan.

4.2.2 Berdakwah Menggunakan Ilmu Yang Sohih (Nyata)

Perkara ini telah direkodkan di dalam firman Allah SWT:

قُلْ هَذِهِ سَبِيلِي أَدْعُوكُمْ إِلَى اللَّهِ عَلَى بَصِيرَةٍ أَنَا وَمَنْ أَتَّبَعَنِي وَسَبِّحْنَ اللَّهُ وَمَا أَنَا مِنَ الْمُشْرِكِينَ

Maksudnya: (Katakanlah) kepada mereka ("Inilah jalanku) pengertian jalan di sini dijelaskan oleh firman berikutnya; yaitu: (aku mengajak kepada) agama (Allah dengan hujah yang nyata) hujah yang jelas lagi gamblang (yaitu aku dan orang-orang yang mengikutiku) orang-orang yang beriman kepadaku. Lafal man diathafkan kepada lafal ana yang berkedudukan menjadi mutbada daripada khabar yang disebutkan sebelumnya (Maha Suci Allah) kalimat ini dimaksud mensucikan Allah daripada semua jenis sekutu (dan aku tiada termasuk orang-orang yang musyrik.)" kalimat ini termasuk ke dalam rangkaian keterangan daripada lafal sabiili di atas.

(Surah Yusuf ayat: 108)

Ayat ini jelas bermaksud dalam menyampaikan dakwah hendaklah dilandasi dengan ilmu pengetahuan serta dalil yang sahih agar mad'u yang didakwahkannya dapat mengambil manfaat dari ilmu yang disampaikan. Jika seseorang *da'i* tidak menyediakan ilmu yang kukuh ketika menyampaikan dakwah, dikhawatir individu tersebut bukan menyebarkan dakwah, sebaliknya menyebarkan dakyah yang dapat menyesatkan lagi para mad'u (Aliyudin, A. 2010).

4.2.3 Menggunakan Metode Dakwah *Bil-Hikmah*

Dapat difahami bahawa perkataan hikmah ini ialah melaksanakan dakwah dengan cara yang lebih baik agar mesej dakwah yang dijalankan akan lebih tertib dan relevan kepada *mad'unya*. Selain daripada itu, melaksanakan dakwah ini bergantung kepada kebijaksanaan pendakwah untuk merangka atau merancang sesuatu kaedah bagi menghadapi *mad'unya*, ini supaya segala mesej dakwah yang disampaikan dapat diterima oleh masyarakat sekelilingnya (Aliyudin, A. 2010).

4.2.4 Tidak Ada Paksaan Dalam Agama

Dalam berdakwah, Islam tidak menyenaraikan paksaan dalam uslub berdakwah. Islam itu adalah agama yang mudah tetapi tidak boleh dipandang mudah dan relevan untuk semua lapis manusia. Islam juga tidak memaksa pengikutnya untuk memaksa pengikut lain memasuki agama Islam kerana tiada paksaan dalam agama. Allah SWT berfirman :

لَا إِكْرَاهَ فِي الْدِينِ قَدْ تَبَيَّنَ لِلنُّشُدُّ مِنَ الْغَيَّيِّ فَمَنْ يَكْفُرُ بِالْأَعْرُوْةِ أُؤْنَقَى لَا أَنْفَصَامَ لَهُ وَأَنَّ اللَّهَ سَمِيعٌ عَلَيْمٌ

Maksudnya: (Tidak ada paksaan dalam agama), maksudnya untuk memasukinya. (Sesungguhnya telah nyata jalan yang benar dari jalan yang salah), artinya telah jelas dengan adanya bukti-bukti dan keterangan-keterangan yang kuat bahwa keimanan itu berarti kebenaran dan kekafiran itu adalah kesesatan. Ayat ini turun mengenai seorang Ansar yang mempunyai anak-anak yang hendak dipaksakan masuk Islam. (Maka barang siapa yang ingkar kepada tagut), maksudnya setan atau berhala, dipakai untuk tunggal dan jamak (dan dia beriman kepada Allah, maka sesungguhnya ia telah berpegang kepada simpul tali yang teguh kuat) ikatan tali yang kokoh (yang tidak akan putus-putus dan Allah Maha Mendengar) akan segala ucapan (Maha Mengetahui) segala perbuatan.

(Surah al-Baqarah ayat: 256)

4.2.5 Hidayah Milik Allah SWT

Metode yang digunakan oleh Jemaah Tabligh adalah terus mengajak kepada jalan Allah SWT kerana hidayah seseorang itu adalah milik Allah SWT. Sesungguhnya Allah SWT memberi hidayah dan petunjuk kepada manusia melalui pelbagai cara. Dengan itu setiap insan perlu berusaha untuk mendapatkan hidayah dan petunjuk daripada Allah SWT melalui cara-cara yang telah ditentukan-Nya. Allah SWT mengutuskan para Nabi dan Rasul, serta diturunkan bersama mereka beberapa kitab suci. Selepas zaman kenabian, Allah SWT mengiktiraf pula para ulama sebagai pewaris nabi yang bertindak mengajak umat manusia kepada keredhaan Allah SWT. Semua itu merupakan bukti yang jelas atas adanya ketersediaan pelbagai cara dan saluran bagi manusia untuk memperolehi hidayah daripada Allah SWT.

5. Kesimpulan

Tidak ada satu amal dan tugas yang paling mulia dan utama selain pekerjaan dan tugas dakwah ini (Sayyid, 2002). Cara berdakwah yang sering digunakan oleh Jemaah Tabligh ini adalah dengan cara terjun langsung ke lapangan. Mereka mengajak satu per satu mad'u dengan cara pergi rumah ke rumah (*door to door*). Selain itu, mereka juga melakukan kerja yang dinamakan *Khuruj* atau keluar beberapa hari untuk menyampaikan dakwah mereka kepada orang lain. Dengan cara turun ke kawasan taman atau keluar negeri dan negara paling kurang selama tiga (3) hari dalam satu bulan, empat puluh (40) hari dalam setahun, empat (4) bulan sekali seumur hidup, dan satu (1) tahun semasa hidupnya. Hadirnya Jemaah Tabligh ini juga adalah untuk mengajak masyarakat bersama-sama menyampaikan dakwah kepada masyarakat lain namun acapkali tidak diterima. Kesimpulannya, dapat dirumuskan bahawa Jemaah Tabligh mempunyai

jalan kerja yang tersendiri untuk menarik minat para mad'ū nya. Selain masyarakat umum, golongan yang bergelar pelajar juga merupakan sasaran utama dalam menyeru mereka menyetai mereka dengan cara yang betul. Metode dan pendekatan yang diamalkan oleh jemaah ini dilihat mampu mengajak masyarakat Islam di Malaysia meningkatkan syiar Islam.

Penghargaan

Penyelidikan ini disokong oleh Institut Ahli Sunnah Wal Jamaah (ISWAJ), Universiti Tun Hussein Onn Malaysia (UTHM).

Rujukan

- Al-Quran al-Karim
- Abdul Khaliq Pirzada, Maulana Muhammad Ilyas (Rahmatullah 'Alaih) di Antara Pengikut dan Penentangnya, Yogyakarta, Ash-Shaff, 1999.
- Abdullah, Syukri. 2022. "Muzakarah 6 Sifat Sahabat." Blogspot.com. August 10, 2022. <http://syukri-abdullah.blogspot.com/2009/05/muzakarah-6-sifat-sahabat.html>
- Ahmad, Hayyah. 2010. "Muzakarah 6 Sifat Unggul Para Sahabat Yang Perlu Ada Dalam Setiap Diri Umat Masa Kini!!!!" Blogspot.com. Blogger. April 2, 2010. <http://hayybizz.blogspot.com/2010/04/muzakarah-6-sifat-unggul-para-sahabat.html>
- Aliyudin, A. (2010). Prinsip-prinsip Metode Dakwah menurut Al-Qur'an. Ilmu Dakwah: Academic Journal for Homiletic Studies, 5(15), 1007-1022.
- Anon, 2013. Dakwah Salafiyah Dakwah Bijak. Google Books. 2013. https://books.google.com.my/books/about/Dakwah_Salafiyah_dakwah_bijak.html?id=nQrygEACAAJ&redir_esc=y.
- Creswell, W John. (2014). Penelitian Kualitatif Dan Desain Riset Memilih Antara Lima Pendekatan. Terjemahan. Ahmad Lintang Lazuardi. Yogyakarta: Pustaka Pelajar.
- Dewan Bahasa dan Pustaka Online, Carian Umum." 2017. Dbp.gov.my. 2017. <https://prpm.dbp.gov.my/Cari1?keyword=infak>
- Halim, Abdul. 2020. "Hargailah 'Hidayah Itu Milik Allah.'" Menilai Sebuah Kehidupan. Menilai Sebuah Kehidupan. January 17, 2020. <https://mohamadzakihalim.com/2020/01/17/hargailah-hidayah-itu-milik-allah/>.
- Hamdi, S. (2021). Dakwah Jamaah Tabligh di Asia Tenggara; Negosiasi Mazhab, Transformasi Pendidikan dan Fasilitator Konflik Politik-Keagamaan. JRP (*Jurnal Review Politik*), 11(1), 105-139.
- Maulana Muhammad Zakariyya al-Kandahlawi, Fadhail A'mal, (Bandung: Pustaka Ramadhan). 1993.
- Sayani, Amin, Zainal Mohd, Ismail Mustari, Kaedah Pengajaran, Dan Pembelajaran, Guru Pemulihan, Jawi Di, et al. 1997. "Darjah in Seminar Antarabangsa Perguruan Dan Pendidikan Islam [SEAPPI2012] (International Seminar on Teacher and Islamic Education [SEAPPI2012]) at Le Grandeur Palm Resort." http://eprints.utm.my/id/eprint/53936/1/NorAminSayaniZainal2012PenerapanMetodeD_akkahdidalam.pdf.
- Sharep, K. (2018). Perkembangan Jamaah Tabligh di Malaysia, 1970-1990-an. *KEMANUSIAAN: The Asian Journal of Humanities*, 25(1).
- Wong, D., & Aziz, A. (2014). Kehadiran Jamaah Tabligh di Malaysia dan Memoir Seorang Karkun Tabligh. *Kontekstualita: Jurnal Penelitian Sosial Keagamaan*, 29(1), 1-23.